

Chaldaeus, coronatus et consecratus; nec enim et separationem, et coronam, et consecrationem significat. Fuit enim Joseph à fratribus separatus, primò, moribus et innocentia; secundò loco et conversatione; fratres enim oderant et fugiant Josephum. Rursùm, Joseph venditus in Ægypto per 25 annos separatus fuit à patre et fratribus in Chanaan habitantibus. Tertio, carcere, ubi Joseph intonsus fuit crinibus, solique Deo relictus, addictus et consecratus, instar Nazareorum, qui se suamque abstinentiam, æquæ ac comam, Deo devotebant, Numer. 6. Quartò, coronâ regni, sive principatus in Ægypto. Rursùm, coronâ regni Israel, quam posteri ejus adepti sunt; hæc enim coronatus, et à fratribus separatus fuit Joseph; ideòque Nazareus dicitur. Unde Septuag. pro Nazareus vertunt præfectum sive ducentem et principem fratrum. Atque ex hoc loco aliquid putant Christum, utpote Josephi antitypum, vocari Nazarenum, Matth. 2, v. 23. Ita S. Ambros. de Benedictionibus Patriarch. cap. 11, et Rupert. Ut sit, certè Joseph Nazareus, expressus fuit typus Christi Nazareæ, id est, à Judeis et communis hominum viti separati, Deoque consecrati, ac coronati in summum orbis regem et pontificem.

XI. — *Prophetia et benedictio Benjamin.*

VERS. 27. — BENJAMIN LUPUS RAPAX, MANE COMEDET PRÆDAM, ET VESPERE DIVIDET SPOLIA. R. Chaldaeus hæc sic vertit et explicat: *In terrâ Benjamin habitavit tempus majestatis; et in possessione ejus edificabitur sanctuarium* (Jerusalem enim, in qua fuit templum, propriè pertinet ad sortem tribus Benjamin); *mane et vespere offerent sacerdotes oblationes, et in tempore vespertino dividend residuum*; quasi altare hic vocetur lupus rapax, eò quod hostias, quasi prædas raperet, easque igne consumeret. Sic quoque explicant Hebraei et Lipoman. Verùm hæc expositio impropria, dura et indecora est; quia enim altare Dei audeat vocare lupum rapacem? Secundò ergo et genuinè, ad litteram Jacob hic prædicit, tribum Benjamin fore instar lupi rapacem et bellicosam, quæ suum jus in viribus et armis collocet. Sic enim Romani jactabant suum Romulum rapacem, pugnacem et fortem in bellis evasisse, eò quod lacte lupæ esset nutritus. Hæc expositio patet, et reipsâ confirmata est in bello Gabaa, quod soli Benjaminite ob stuprum à se uxori Levitæ illatum, cum reliquis tribubus omnibus gesserunt, et usque ad interfectionem sustinuerunt, ac tandem raperunt filias Silo Judic. 20. Ita Procop., Euseb., Theodor., Abulens. et alii.

Rursùm, alludit et prædicit hic Jacob prædas et viciorum Saulis primi Judeorum regis; item Estheris et Mardochei; hi enim omnes prognati fuerunt ex Benjamin. Ita S. Lupus Trecentis episcopus cum clero occurrentes Attilæ à pugna Catalaunicâ, reliquis Gallie urbes eversuro, rogavit eum, quisnam esset qui toti regibus devictis cuncta vi sibi subderet. Cui Attila: *Ego, inquit, sum rex Hunnorum, flagellum Dei.* Tum Lupus ingemiscens: *Et ego, inquit, sum Lupus vastator gregis, dignus flagello ejus, cui quis resistet, quo minus in quos volet sæviat? Veni igitur, Dei mei flagellum,*

quò libet proficiscere. Omnia tibi, ut Dei ministro, me non repugnantè patebunt. Jubet inde porcis urbis reserari, ac Attilam (frænum equi honoris causâ tenens) summâ veneratione introduxit. Qui sive humanitate episcopi victus, sive Dei voluntate, siue vilis cæde et detrimento, per urbem mediam cum omnibus suis copiis progressus, alterâ urbis parte egressus est. Ita habet vita S. Lupi, et Olaus in Attilâ c. 9.

Nota. Idem est comedere prædam, et dividere spolia, nimirum prædari, prædas dividere et comedere. Est metalepsis; ex comestione enim prædæ, prævia prædationem intelligit, q. d.: Benjamin ut lupus rapiet, id est, superabit inimicos, easque prædas abripiet, laacerabit, dividet, comedit, omniaque faciet, quæ victores victis solent facere. Ita Vatablus.

Allegoricè, quidquid hic oggannat Calvinus, omnes ferè Patres latini, puta S. Hieron., Ambros., Rupert., Eucher., Beda et Augustin. serm. 1. de Conversione S. Pauli, inter novos hic Lovanii editos, per lupum hunc accipiunt sanctum Paulum, qui ex Benjamin oriundus, dictusque Saul vel Saulus, primo mane, id est, in juventute suâ, quasi lupus sævit in Christum et Christianos, viros et feminas rapando ad carceres, Stephanum manibus aliorum lapidando, spirando in omnes minas et cædes; verùm à Christo conversus, et mutatus è Saulo in Paulum, ex lupò diaboli in lupum Dei, vesperè, id est, jam senior effectus, spolia Gentium diabolo detracta, Christo et Ecclesie divisit, q. d.: Sicut Benjamini, ita et Pauli indoles lupina, semper sui similis, fuit rapax, bellicosa, spoliis prædisque assueta; unde mane et vesperè, puta ante conversionem et post conversionem, non aliud egit, quàm prædari. Sed ante conversionem iniquus et impius, post conversionem verò justus et sanctus fuit prædo, qui non tantum spolia antea à se diabolo allata, rursùm eidem eripuit; sed et omnes penè gentes ex ore et unguibus ejus extorsit, illisque cum expoliavit, easque Christo et Ecclesie restituit. Sicut ergo leo nunc in bonum, nunc in malum capitur, et tam Christus vocatur leo de tribu Judâ, quàm diabolus, qui circum ut leo quærens quem devoret; ita pariter et Lupus tam in bonam quàm in malam partem accipi potest. *Pactus, inquit S. Ambros., lupus erat, cum decoraret ecclesiam; sed qui lupus venerat, pastor est factus. Idè Rachel cum pareret Benjamin, vocavit nomen ejus, Filius doloris mei, futurum prophetans ex eâ tribu Paulum, qui affligeret filios Ecclesie, et gravi matrem dolore vexaret; sed tamen idem postea escam divisit, evangelizans gentibus, et plurimos ad fidem provocans. Diluctus à Domino, quia vos electionis estis super ceteros; habitavit confidenter, et Deus obumbravit super cum omnibus diebus, et inter humeros requiescet.* Deuter. 35.

VERS. 28. — OMNES III IN TRIBUBUS ISRAEL DUODECIM. Hebraicè est, omnes istæ tribus Israel sunt duodecim, q. d.: Ab iis duodecim filiis Jacob descenderunt et denominatae sunt duodecim tribus Israel. Nomenclatur enim hic singuli Jacobi filii (qui numero fuerunt duodecim), ac consequenter numerantur et Levi et Joseph, ita ut quisque Jacobi filius unam tribum constituat. In

divisione verò terræ sanctæ non numeratur Levi, quia nullam ejus partem habuit; pars enim Levi erat Dominus, id est, victimæ et primitiæ Domino oblate, nec numeratur Joseph, sed duo ejus filii, puta Ephraim et Manasse; hi enim in locum Levi et Joseph surrogati, duplicem tribum, et consequenter duplicem sortem in Chanaan acceperunt.

BENEDIXITQUE SINGULIS BENEDICTIONIBUS PROPRIIS. Hinc videtur, quòd hæc tenens non tam benedictiones, quàm prophetiæ fuerint Jacobi, quibus expletis ipse hic ultimam cuique addidit et impertit benedictionem, licet quantum ea fuerit, Scriptura non exprimat. Verùm contrarium est verius; itaque sensus est, benedixit singulis, etc., id est, benedictiones hæc enarratas, cuique proprias edixit et assignavit. Licet enim Simeon et Levi propriò non benedixerit, sed corripuerit, hæc tamen ejus paternæ correptio reverè fuit benedictio. Ita S. Chrysost., Cajet., Lipoman. Si enim aliæ à jam dictis et enarratis fuissent hæc benedictiones à Jacobo filiis date, eæque singulis propriæ, sanè eas enarrasset Moses.

VERS. 31. — IBI ET LIAM CONDITA JACET. Hebraicè est, et ibi sepelivi Liam; unde patet Liam mortuam esse in Chanaan, ibique à Jacobo sepultam, non autem mortuam esse in Ægypto, indeque cum marito corpore translatae in Chanaan, ut volunt aliqui. Hebraei tradunt Liam mortuam anno ætatis 44. Sed ex dictis c. 35, v. 19, videtur senior fuisse.

VERS. 32. — FINITUSQUE MANDATIS. Tradunt Hebraei, Jacob morientem mandasse suis ritum pacem et concordiam, atque unius veri Dei timorem, obedientiam et cultum, fugamque idololatriæ Ægyptiorum.

COLLEGIT PEDES SUPER LECTULEM. Jacob propheta, et benedicens filiis exererat se, sedebatque in lecto pedibus dependentibus; nunc finito sermone suis valedicens, pedes in lectum colligit, sensinque expirat.

Vide hic quàm placida sit mors justorum. Ita S. Lucius martyr mortì adjudicatus ab Urbicio præfecto gratias egit, dicens: *A malis dominis liberor, et ad Deum patrem optimum transeo.* Testis est Eusebius l. 4, c.

CAPUT L.

1. Quod cernens Joseph, ruit super faciem patris flens et desolans eum.

2. Præcepitque servis suis medicis ut aromatibus condirent patrem.

3. Quibus jussa explentibus, transierunt quadraginta dies: iste quippe mos erat cadaverum conditorum, flevitque enim Ægyptus septuaginta diebus.

4. Et expleto placentis tempore, locutus est Joseph ad familiam Pharaonis: Si inveni gratiam in conspectu vestro, loquimini in auribus Pharaonis,

5. Eò quòd pater meus adjuraverit me, dicens: En morior, in sepulcro meo quod fodi mihi in terrâ Chanaan, sepelies me. Ascendam igitur, et sepeliam patrem meum ac revertar.

6. Dixitque ei Pharao: Ascende et sepeli patrem tuum, sicut adjuratus es.

16. Balyas martyr, cum cervicem feriendam præberet dixit: *Revertere, anima mea, in requiem tuam, quia Dominus benefecit tibi. Eripuit animum meum à morte, oculos meos à lacrymis, pedes meos à lapsu. Ambulabo coram Domino in terrâ viventium.* Nam mox, ait S. Chrysost., est portus tranquillius, vera requies, somnus, ad meliora migratio, à malis liberatio, migratio à terrâ ad cælum, ab hominibus ad angelos, et ad ipsum angelorum dominum. Hinc Sapore, rege Persarum, Christianos trucidante, cum Pusices præfectus omnium regis artificum videret Ananiam, qui cædes jam parabat, contremiscentem: *Paulisper, inquit, ò senex, oculos occultido, et vno animo esto; nam statim lumen Dei videbis, quod de causâ lingua ei extracta est, diròque examificatus gloriosum obit martyrium.* Testis est Sozom. lib. 2 Hist. c. 9 et 10. E contrario quàm anxia, perturbata et tumultuosa sit mors impiorum, patet ex morte Antiochi, Herodiæ, Herodiadis, Chrysaoriti et aliorum.

APPOSITUS EST AD POPULUM SUUM, MORTUUS EST, ET QUOD ANIMAM DESCENDIT AD PATRES ET JUSTOS IN LIMBO SINQUE ABRAHÆ DEGENTES. Ita loquitur Scriptura, uti significet animas sanctorum post mortem non solitariam et tristem, sed societatem lætamque vitam ægere; malorum vero animas, licet in igne conjungatur perpetuis tamen odiis et rixis dissidere, atque maledictis et blasphemis sese invenire, more canum lacerae.

Nota periodum vite Jacobi: Jacob natus est post diluvium anno 452. Fugiens Esau ivit in Haran ad Laban, anno ætatis sue 77; inde post 20 annos, puta anno 97, rediit in Chanaan. Post 10 annos, puta anno 107, mortua est Rachel, et natus est Benjamin, atque Joseph venditus est in Ægyptum. Inde mansit adhuc Jacob in Chanaan per 25 annos. Nam anno ætatis centesimo trigesimo evocatus à Joseph, cum totâ familiâ profectus est in Ægyptum, ibique vivit annis 17, ac mortuus est anno ætatis 147, qui fuit annus mundi 2256. Plura de his dixi cap. 47, 28. Denique epitaphium et elogium Jacobi vide apud Sapientem cap. 10, v. 10, et Ecclesiasticum c. 14, 25.

CHAPITRE L.

1. Joseph, voyant son père expiré, se jeta sur son visage, et le baisa en pleurant.

2. Il commanda aux médecins qu'il avoit à son service, d'embaumer le corps de son père.

3. Et ils exécutèrent l'ordre qu'il leur avoit donné, en l'empoignant de drogues aromatiques pendant trente jours, puis ils le mirent transporter dans le sel et dans le nitre, ce qui dura encore quarante jours, parce que c'étoit la coutume d'employer ce temps pour embaumer les corps morts. Et ainsi l'Égypte pleura Jacob soixante-dix jours, comme elle pleure ses rois.

4. Le temps du deuil public étant passé, Joseph qui le portoit encore, ne pouvant en cet état se présenter devant le roi, dit aux principaux officiers de Pharaon: Si j'ai trouvé grâce devant vous, je vous prie de représenter au roi.

5. Que mon père m'a dit en mourant: Vous voyez que je me meurs; promettez-moi avec serment que vous m'ensevelirez dans mon sépulchre que je me suis préparé au pays de Chanaan. J'irai donc avec l'agrément du roi, ensevelir mon père dans son sépulchre, et je reviendrai aussitôt.

6. Pharaon lui dit: Allez et ensevelissez votre père, selon qu'il vous y a engagé par serment.

7. Quo ascendente, ierunt cum eo omnes senes domus Pharaonis, cunctique majores natu terræ Ægypti.
8. Dominus Joseph cum fratribus suis, absque parvulis et gregibus, atque armentis, quæ dereliquerant in terrâ Gessen.

9. Habuit quoque in comitatu currus et equites; et facta est turba non modica.

10. Veneruntque ad aream Atad, quæ sita est trans Jordanem: ubi celebrantes exequias planctu magno atque vehementi, impleverunt septem dies.

11. Quod cum viderent habitatores terræ Chanaan, dixerunt: Planctus magnus est iste Ægyptiis. Et idcirco vocatum est nomen loci illius, planctus Ægypti.

12. Fecerunt ergo filii Jacob sicut præceperat eis.

13. Et portantes eum in terrâ Chanaan, sepelierunt eum in speluncâ duplici quam emerat Abraham cum agro in possessionem sepulcri ab Ephron Hethæo contra faciem Mambræ.

14. Reversusque est Joseph in Ægyptum cum fratribus suis, et omni comitatu, sepulto patre.

15. Quo mortuo, timentes fratres ejus, et mutuo colloquentes: Ne forte memor sit injuriæ quam passus est, et reddat nobis omne malum quod fecimus.

16. Mandaverunt ei, dicentes: Pater tuus præcepit nobis antequam moreretur,

17. Ut hæc tibi verbis illius diceremus: Obsecro, ut obliviscaris sceleris fratrum tuorum, et peccati atque malitiæ quam exercuerunt in te; nos quoque oramus ut servis Dei patris tui dimittas iniquitatem hanc. Quibus auditis, flevit Joseph.

18. Veneruntque ad eum fratres sui; et proni adorantes in terram, dixerunt: Servi tui sumus.

19. Quibus ille respondit: Nolite timere: num Dei possumus resistere voluntati?

20. Vos cogitastis de me malum; sed Deus verit illud in bonum, ut exaltaret me, sicut in presentiarum cernitis, et salvos faceret multos populos.

21. Nolite timere: ego pascam vos et parvulos vestros; consolatusque est eos, et blandè ac leniter est locutus.

22. Et habitavit in Ægypto cum omni domo patris sui; vixitque centum decem annis. Et vidit Ephraim filios usque ad tertiam generationem. Filii quoque Machir, filii Manassæ natî sunt in genibus Joseph.

23. Quibus transactis locutus est fratribus suis: Post mortem meam Deus visitabit vos, et ascendere vos faciet de terrâ istâ ad terram quam juravit Abraham, Isaac, et Jacob.

24. Cùmque adjurasset eos, atque dixisset: Deus visitabit vos; asportate ossa mea vobiscum de loco isto;

25. Mortuus est, expletis centum decem vitæ suæ annis. Et conditus aromatibus, repositus est in loculo in Ægypto.

COMMENTARIUM.

VERS. 2.—MEDICIS, UT AROMATIBUS CONDIRENT PATREM. Puta balsamo, myrrha, cassiâ, aliisque aromatibus, quæ et cadaver à putrefactione servant, illique gratum odorem conciliant. Singulares in hæc arte con-

7. Et lorsque Joseph y alla, les premiers officiers de la maison de Pharaon, et les plus grands de l'Égypte l'accompagnèrent tous.

8. Avec la maison de Joseph, et tous ses frères qui le suivirent, laissant au pays de Gessen leurs petits enfans et tous leurs troupeaux.

9. Il y eut aussi des chariots et des cavaliers qui le suivirent, et il se trouva là une grande multitude de personnes.

10. Lorsqu'ils furent venus à l'aire d'Atad, qui est située au-delà du Jourdain, ils y célébrèrent les funérailles pendant sept jours avec beaucoup de pleurs et de grands cris.

11. Ce que les habitans du pays de Chanaan ayant vu, ils dirent: Voilà un grand deuil parmi les Égyptiens. C'est pourquoi ils nommèrent ce lieu, le deuil d'Égypte.

12. Les enfans de Jacob accomplirent donc ce qu'il leur avait commandé.

13. Et l'ayant porté au pays de Chanaan, ils l'ensevelirent dans l'autre double, qu'Abraham avait acheté d'Ephron Héthéen avec ce champ qui regarde Mambré, pour en faire le lieu de son sépulture.

14. Aussitôt que Joseph eut enseveli son père, il retourna en Égypte avec ses frères et toute sa suite.

15. Après la mort de Jacob, les frères de Joseph eurent peur, et ils s'entre-dirent: Joseph pourrait bien présentement se souvenir de l'injure qu'il a soufferte, et nous rendre tout le mal que nous lui avons fait.

16. Ils lui envoyèrent donc dire: Votre père avant de mourir nous a commandé

17. De vous dire de sa part: Je vous conjure d'oublier le crime de vos frères, et cette malice noire dont ils ont usé contre vous; nous vous conjurons aussi de pardonner cette iniquité aux serviteurs du Dieu de votre père. Joseph pleura ayant entendu ces paroles.

18. Et ses frères étant venus le trouver, se prosternèrent devant lui en l'adorant, et lui dirent: Nous sommes vos serviteurs.

19. Il leur répondit: Ne craignez point; pouvons-nous résister à la volonté de Dieu? vous n'avez fait qu'exécuter ses ordres.

20. Il est vrai que vous avez eu dessein de me faire du mal, mais Dieu a changé ce mal en bien, afin de m'élever comme vous voyez maintenant, et de se servir de moi pour sauver plusieurs peuples.

21. Ne craignez donc point: je vous nourrirai, vous et vos enfans; et il les consola, en leur parlant avec beaucoup de douceur et de tendresse.

22. Il demeura dans l'Égypte avec toute la maison de son père, et il vécut cent dix ans. Il vit les enfans d'Ephraïm, jusqu'à la troisième génération. Machir, fils de Manassé, eut aussi des enfans qui furent élevés sur les genoux de Joseph.

23. Joseph dit ensuite à ses frères: Dieu vous visitera après ma mort, et il vous fera passer de cette terre à celle qu'il a juré de donner à Abraham, à Isaac et à Jacob.

24. Lorsqu'il leur eut dit: Dieu vous visitera, il y ajouta: Transportez mes os avec vous hors de ce lieu, et promettez-le moi avec serment.

25. Il mourut ensuite âgé de cent dix ans accomplis, et son corps, ayant été embaumé, fut mis dans un cercueil en Égypte, où il demeura jusqu'au jour que les Israélites en sortirent et l'emportèrent avec eux dans la terre de Chanaan.

diendi corpora fuerunt Ægyptii; testantur id etiam nunc hodiè caronomia, id est, cadavera ante multos centenos annos sepulta, quæ jam eruantur, et venduntur, atque pharmacopecis ad pharmaca servantur;

hæc enim ex Ægypto advehuntur. Morem conditura Ægyptiæ tradit Herodotus l. 3, et Diodorus lib. 4.

Anagogicè, Rabanus: Felix, inquit, illa anima, quæ virtutum aromatibus condita, in loculo corporis degens, perenni vite reservatur.

VERS. 5.—QUOD FODI. Fodi, id est, emi. Sic Osee fodi, id est, emit, sibi uxorem, Osee 3, v. 2; unde hæc phrasîs manarît, ibi dixi.

Dices, v. 15 dicitur, non Jacob, sed Abraham emisse hæc speluncam sepulcralem. Respondeo: Abraham eam emit, sed eam postea Jacobo de eadem, ab Hethæis is moveretur, coactus fuit Jacob secundò eam emere. Alii sic expliçant: Quod fodi, sive emi, id est, quod emit Abraham, avus meus, cujus ego sum filius et hæres. Verum dico, simpliciter hic accipi fodi: nam in speluncâ hæc duplici et amplâ, varia effodi poterant sepulcra; summ ergo sibi effodi Jacob. Ita Vatabl., Perer. et alii.

VERS. 10.—AREAM ATAD. Dieta est hæc area hebraicè Atad, à spinarum multitudine. Situs est locus hic, at Procop., juxta Hierichontem, nunc ei nomen est betagla, id est, domus creduli. Nam eum ibi lugentem Jacob defunctum, in modum circuli et coronæ circumsteterunt cadaver. Ita S. Hieron., nisi quòd dicit eos circuisse cadaver, qui mos veterum fuit gentilium, ut patet ex Homero et Virgilio; tuncque defunctis Salve et Vale inclamabant, eisque terram levem, pacem et quietem imprecabantur, ut docet Kirchneranus lib. 3 de Funer. c. 3 et 9.

TRANS JORDANEM VENIENTIBUS EX CHANANÆ; NAM VENIENTIBUS EX ÆGYPTO ATAD EST CIS JORDANEM.

Nota. Joseph cum suis planctum hunc fecit in Atad non in Hebron, ubi sepeliendus erat pater, ne, si in Hebron, puta in intimis Chanaanæ, tandiù consistere, Chanaanæ suspitionem aliquam conditionis moverent, aut cum eis rixas aliquas bellumve contraherent; in Atad ergo Joseph cum toto suo comitatu, planxit patrem septem diebus; inde perrexit in Hebron, ibique sepulto patre illicò domum reversus est. Ita S. Augustinus.

VERS. 16.—MANDAVERUNT. Submiserunt nuntium, vel legatum, fortè Benjamin insontem, et Josephi fratrem uterinum, qui nomine non tam suo quam patris defuncti, hæc à Josepho postularèt. Videntur mentiri hic fratres, et nomine patris abuti, ut malè sibi consilii eo se proferant. Pater enim de Josephi virtute, mansuetudine et caritate fratribus ostensâ per experientiam certus, nil mali fratribus ab eo metuebat; et si metuisset, vivens id Josepho dixisset, plenamque eis veniam et præteritorum oblivionem impetrasset.

VERS. 17.—UT SERVIS (ita legendum cum Hebræis, Græcis, et Romanis, non servo) DEI PATRIS TUI, ut nobis scilicet, qui sumus servi Dei, Dei, inquam, veri et aviti (quem coluit pater tuus, dimittas iniquitatem, quam in te exercuimus).

FLEVIT JOSEPH, dolens fratres anxiami, reconciliationi suæ diffidere. Infidè hæc narrat Josephus, ulciscens se noluit Joseph; sciebat enim quòd ultionis momentanea est delectatio, misericordiæ sempiterna.

VERS. 19.—NOLITE TIMERE; NUM DEI POSSUMUS RESISTERE VOLUNTATI? Ergo, inquit Melancthon, tam est opus Dei proditio Judæ, et venditio Joseph, quàm vocatio Petri. Ita et Calvinus. Respondeo, in primis Septuag. vertunt, nolite timere, Dei ego sum, scilicet servus; et Chaldaeus, nolite timere, à facie Dei timeo, q. d.: Absit à me qui sum servus et imitator Dei, ultionis appetitus, et vindictæ cupidio. Ita S. Chrysost. et Bellarm. lib. 2 de Amis. gratia. c. 11. Sic et Suarez nostram versionem explicat: Num Dei possumus resistere voluntati, ei scilicet, quæ vult ut vobis parcam? Verum pro intelligentiâ nostræ versionis nota: Deus absolutâ voluntate ante omnia decreverat Josephum in Ægyptum mittere, sive per se, sive per suos fratres, eumque ibi exaltare, et per eum fami communi consulere. Deinde prævidit aptum ad id fere medium fratrum malitiam, si eam permitteret exequi odium suum, quod in Josephum conceperat. Eam ergo Deus sapienter permittere, et ad finem jam dictum ordinare decrevit. Nota secundò, Deus circa peccata duplicem habet voluntatem et providentiam, primò, permissivam, non autem immissivam peccati, ut vult Calvinus. Secundò, ordinativam, quæ peccatum ordinat ad justam penam, vel aliud commode, aut privatum bonum; neutri voluntati Dei homo propriè potest resistere. Utraque enim est in solo Deo, et Dei libertate sita.

Perperam ergo Cicero, ut libertatem hominum arbitri tueretur, illud Deo subjecit et ab eo regi negavit. Hinc merito de eo dixit S. August. lib. 5 de Civit. cap. 9: Cicero ut nos faceret liberos, fecit sacrilegos.

Dices: Ergo etiam peccato homo resistere nequit: hoc enim necessariò sequitur ex permissivâ voluntate Dei. Respondeo: Ex hæc Dei voluntate peccatum non sequitur necessariò, sed infallibiliter, perinde ac sequitur ex præsententiâ Dei; peccatum enim voluntatem Dei non sequitur, sed antecedit; est enim ejus objectum. Itaque antequam Deus velit permittere peccatum, prævidet illud, videtque illud futurum, si ipse id velit permittere. Nam causa per se et positiva peccati est voluntas hominis; Dei autem voluntas tantum est causa peccati permissiva, quæ tantum est causa sine qua non.

Nota tertio. Joseph hic, ut injuriæ fratrum se oblitum ostendat, utque eam elevet, et fratres consoletur, more piorum et sanctorum, ad utramque Dei voluntatem hoc fratrum peccatum refert: unde hebraicè est: Num pro Deo ego? Id est, an Deus sum ego? qui scilicet hæc omnia dixerim et ordinarim tam commode et congruè, q. d.: Cùm Deus omnia suo nutu gubernans et coordinans (hoc enim hebraicè est Elohim) decreverit me mittere in Ægyptum, eique me prædicere, tam ad meum, quam ad vestrum, imò commune omnium bonum, scilicet ad publicam famem levandam; atque ad hoc permissivum vestrum scelus, quæ vendidistis in Ægyptum, eoque quasi medio usus sit ad hæc meum præfecturam, absit ut ponâ afficiam eos, quorum scelus mihi in summum bonum cessit, quosque Deus vult esse salvos; quin potius de tam fe-

lici eventi, qui Dei voluntate et providentiâ ex vestro scelere mihi et vobis accidit, gaudendum est, Deique voluntati hæc omnia tam permittenti, quam ordinari adscribenda et submittenda sunt. Hunc esse sensum patet ex seq. et ex c. 45, v. 5 et 8. Ita interpretes et doctores, ac præsertim S. Chrysostomus homil. 64, et Ambrosius lib. de Joseph c. 12, et ex iis Ludovic. Molina p. 1, quest. 19, art. 6, disp. 2. Sic Apostolus ad Romanos 11, ut gentes moveat ad compassionem, quâ non indignentur, sed condoleant incredulitati Judæorum, dicit eorum incredulitatem et delictum esse salutem gentium, quia scilicet prædicatio evangelica, ipsique præsererunt ad gentes, easque ad fidem, salutem et gratiam adduxerunt. Additque Apostolus, Deum concessisse, id est, concludi permississe, omnia sub peccato, ut omnium misereretur, q. d. Ergo et vos, ô gentes, Deum imitami, et ut Deus vestri misertus est, ita et vos Judæorum miseremini.

Ita sancti in voluntatem Dei omnia resignantes excusarunt vitia et afflictiones sibi ab aliis illatas, easque animo quieto et sereno exceperunt, ut David, qui maleditionem Semei retulit ad voluntatem Dei, volentis punire sua peccata, idemque noluit eum puniri. Et Machabei, qui suos cruciatu acceptos tulerunt Deo, et divinæ castigationis Sapronius memorat abbatem, cui discipulus pro imprudentiam in mensâ olera peramara apposuit. Dissimulavi rem abbas; gustans ex eisdem postea discipulus, errorem agnovit, et veniam precatus est. Cui abbas: *Voluntas, inquit, Dei fuit, ut talia mihi apponeret. Si enim Deus aliud voluisset, effecisset ut alia proponeret.* Est enim hic actus magnæ humilitatis, resignationis et conformitatis cum voluntate divinâ, in quâ consistit perfectio humana et angelica. Vidit hoc per umbram gentilis Pythagoras, qui inter aurea sua ethices carmina et præcepta, hæc inter prima ponit:

*Mortales quæcumque diis mittentibus angunt,
Ut tua sors tulerit, patiens ne ferre recuses.
Non spernenda medela tamen.*

VERS. 20. — *VOS COGITASTIS DE ME MALUM. Cogitastis tantum, quia vestras, utpote hominum contra me machinationes, Deo me protegente, non potuistis perficere.*

VERS. 21. — *BLANDE ET LENITER:* Hebraicè est, *locutus est ad cor eorum.* Videant hic fideles, videant et imitentur principes clementiam et mansuetudinem Josephi, imò Christi, qui ait: *Discite a me, quia mitis sum et humilis corde.* Clemens erat Alexander Severus imper. Obiciebant hoc illi mater et uxor, dicebantque: *Mollitorem tibi, magisque contentibilem imperii dignitatem fecisti;* ille: *Sed securiorum, respondit, et diuturniorum.* Constantius imperator raptore cuiusdam virginis in exilium relegarat; parentes indignabantur, eos non esse morte mulctatos. Tum ille: *Hactenus, inquit, incusent jura clementia; sed imperatorem, mississimi animi legibus, ceteris præstare decet.* Sic Carolus Magnus filiam quod cum Eginharto secretario fornicata esset, utrumque mortis

reum, non morte punivit, sed conjugio copulavit. Rem fusè narrat Lipsius lib. 2 Mon. Polit. c. 12, n. 12. Rudolphus imper. Austriacus, ex severiore mitior factus: *Severum, inquit, et immitent fuisse me aliquando peritui; lenem et placibilem, nunquam.* A Ludovico XII quidam postulavit bona civis cuiusdam Aurelianensis, qui acerrimus Ludovici fuerat hostis, eo tempore, quo Ludovicus dux tantum erat Aurelianensis, et a Carolo VIII rege Franciæ dissidebat. Cui Ludovicus animo planè regio: *Tu, inquit, aliud à me pete, et meritis tuis gratia erit. De isto omittit: non rex Galliarum non ulciscitur injurias ducis Aurelianensis.* Q. d.: Rex factus nolo ulcisci injurias mihi in ducatu illatas. Alphonsus Aragonum rex, teste Panormit. rogatus cur erga omnes etiam malos, ita mitis esset, respondit: *Quia bonos justitia conciliat, malos clementia.* Cùmque suis de nimia ejus lenitate quærerentur: *Quid ergo, inquit, valdis ursos et leones regare? hominum clementia, belluarum feritas propria est. Malo multos meâ clementiâ errare, quam paucos meâ severitate perdere.* Quidam ci obiecit: *Cave ne tua hæc clementia in perniciem cedat, cui ille: Imò verò, inquit, multa mihi perferenda sunt, ne in invidiam cadam.* Idem rogatus, quid maxime adversarios flecteret, respondit: *Placabilitatis et mansuetudinis nomen.* Idem contra Venetos instructæ acie procedens, cùm illi occurrerent, humiliterque pacem peterent, atque sui quidvis ab eis extorquerent cuperent. Alphonsus respondit: *Nullum aliud date pacis pretium existimo, quam hostibus gentibus ad me adtulisti, pacem dare.* Rectè Ovidius:

*Conveniens hominum est hominem servare voluptas;
Et melior nullâ quæritur arte favor.*

Videmus id nunc in Belgio.

VERS. 22. — *VIXITQUE CENTUM DECEM ANNIS.* Hæc est periodus vite Josephi: Joseph à fratribus venditus est anno ætatis suæ 16, Jacobi 107, mundi 2216. Servitutem et carcerem toleravit 15 annis. E carcere eductus, factus est princeps Ægypti anno ætatis suæ 50, patris 121, mundi 2250. Patrem Jacobum in Ægyptum vocavit, eumque ibi excepit anno ætatis suæ 39, patris 150, mundi 2259, qui fuit ab exaltatione et principatu suo nonus, post obitum Isaac decimus. Obiit Joseph anno ætatis suæ 110, ab exaltatione sua 80, ab obitu patris 54, mundi 2510, ante exitum Moysis et Hebræorum ex Ægypto 144.

Moral. S. Chrysost. 67 et ultimâ: *Vidisti, ait, quomodo majora sint præmia quam labores, retributionesque multipliciores. Tredecim annis servitutem et carcerem sustinuit, octoginta annis regnum administravit.*

FILII QUOQUE MACHIR. Filii, id est, filius; unum enim tantum genuit Machir. Est enallage numeri. Ita S. August.

NATI SUNT IN GENIBUS, q. d.: Joseph filium Machir, mox ut natus est sibi in filium adoptavit, idemque in genibus suis eum statuit et excepit, ut fecit Rachel c. 50, v. 5.

VERS. 24. — *ASPORTATE OSSA MEA VOBISCUUM,* ut cum patre, avo et abavo sepeliar in Chanaan, terrâ nobis à Deo promissâ. Vide dicta cap. 47, vers. 29 et 30.

Hoc est quod ait Paulus Hebr. 11, vers. 21: *Fide Joseph moriens, de professione filiorum Israel memoratus est, et de ossibus suis mandavit.* Hoc autem, ait S. Chrys., non temerè faciebat. Duo enim agebat, unum, ne Ægypti memores beneficiorum ejus, cum pro more suo facile ex hominibus deos appellerent, corpus justî haberent in impietatis occasione. Alterum, ut securi et certi omnino sint se redituros. Et videre licebat rem novam et admirabilem, eam qui omnem Israel in Ægypto pascebat, illam et ducent reditûs, et in terrâ Israel inducentem. Promissis Joseph factis steterunt Israelitæ, cùm excentes ex Ægypto secum extulerunt ossa Josephi, eaque in tulerunt in Chanaan, sepelieruntque in Sichem, ut habetur Josue 24, 52.

Anagogicè, Rabanus: *Joseph, inquit, incolatum terræ Ægypti detestans, terram reppromissionis desiderabat, ut quædiu sumus in hæc peregrinatione, veram patriam, terram riventium, iustis promissam desideremus, et in eam transferri post mortem velimus;* idemque cum Psalmo crebrò suspiramus: *Heu mihi, quia incolatus meus prolongatus est! habitavi cum habitantibus Cedar. Concupiscit, et deficit anima mea in atria Domini.*

Similia Josephi et Jacobi, puta pia et coelestia, fuerunt aliorum Patriarcharum et sanctorum orientium monita et vota, ut Moysi, Deuter. 51 et 52. Josue, c. 24, Davidis, 2 Reg. 22 et 23. Elisæi, 4 Reg. 15. Mathathie, 4 Machab. 2. Ita S. Basilius moriens suos ad se confluentes doctrinâ sacrâ instruxit, dicensque: *In manus tuas, Domine, commendo spiritum meum, animam lætus exhalavi.* Testis est Nazian. orat. 20. S. Ambrosius moriens ait: *Non sic vixi, ut pudeat me inter vos vivere. Sed nec mori timeo, quia bonum Dominum habemus.* S. Augustinus moriens: *Non est mirum, inquit, quod cadunt ligna et lapides, et mortales moriuntur.* S. Chrysost. exul in magnâ afflictione paulo ante mortem scribens ad Innoc. pontif.: *Nos, inquit, ter-*

tium jam annum in exilio versamur, expositi pestilentia, fami, bello, continuis incursionibus, solitudinî inenarrabili, quotidianæ morti, et Iseurici gladiis. Hæc connectus tandem, et moriens dixit: *Gloria tibi, Domine, de rebus omnibus, uti refert Nicephor. lib. 15, c. 57: S. Martinus moriens oculis ac manibus in cœlum semper intensus, invidiam ab oratione spiritum non relaxabat; et cùm à presbyteris rogaretur ut corpusculum lateris mutatione relevaret: Sinite, inquit, me cœlum polius respicere quam terram, ut suo jam itinere iturus ad Dominum spiritus dirigatur.* Hæc locutus diabolum vidit assistere; cui ille: *Quid hic adstas, cruenta bestia? nihil in me fuisse reperies. Abraham me simul recipiet, inquit Salp. S. Fulgentius acerrimo morbo correptus: Domine, inquit, da mihi modò patientiam, et potestatem indulgentiam, petensque à suis erratorum veniam, ac quod reliquum erat pecunie pauperibus distribuens, emigravit. S. Gregorius sui mortem scribens ad Rusticanam patriam. Me, inquit, amaritudo animi, et assidua exacerbatio, atque podagra molestia afficit, ut corpus meum tanquam in sepulcro siccatum sit; unde peto ut pro me oreris, quatenus de hoc carcere citius educar. S. Hieron testis S. Hieronymo, moriens dicebat: *Egredere, quid times, anima mea? quid dubitas? septuaginta annis servisti Christo, et mortem timeas? S. Bernardus moriens: Hæc tria, ait, in vobis servavi, quæ vobis commendo: primò, minus sensui meo quam alterius credidi. Secundo, læsus de ledente vindictam non expectavi. Tertio, nemini scandalum facere volui; et si quando incidit, sedari ut potui.* Gerardus S. Bernardi frater moriens ait: *Laudate Dominum de cœlis; laudate eum in excelsis.* Fernandus Castellæ rex moriens: *Domine, inquit, regnum quod à te accepi, tibi restituo; colloca me, quæso, in aeternâ luce.* Carolus Sicilia rex moriens: *O vanas, inquit, hominum cogitationes! quid mihi jam regnum prodest? quam præstaret jam pauperem fuisse, non regem!**

SYNOPSIS

HISTORIÆ ET CHRONOLOGIÆ TOTIUS GENESEOS.

Primo anno mundi, die sexto, qui fuit dies Veneris, creavit Deus Adam et Evam. Gen. 1, v. 26.

Anno 150 Adæ et mundi natus est Seth. Gen. 5, v. 5.

Anno suo et mundi 950 mortuus est Adam. Gen. 5, v. 5.

Henoeh raptus est in paradysum anno mundi 987, ætatis verò suæ 565. Gen. 5, v. 25.

Natus est Mathusalem anno mundi 687, vixitque annos 969, ac consequenter mortuus est anno mundi 1656, qui fuit annus diluvii. Gen. 5, v. 27.

Noe natus est anno mundi 1056, puta 126 annis post mortem Adæ; cùmque esset 500 annorum, genuit Sem, Cham, et Japheth. Gen. 5, v. 50.

Anno sexcentesimo Noe, qui fuit annus mundi 1656, factum est diluvium, quod duravit annum integrum. Gen. 7, v. 11, etc., v. 14.

Anno 170 à diluvio, Nemrod cum suis ædificavit Babel, ibique Deus confundit linguas, et dispersit homines in varias terras et gentes. Gen. 11, v. 9 ut ibi ostendi.